

Dienelkander



Nuusbrief van die Gereformeerde Kerk Potchefstroom-Oos

10 September 2017

OGGENDDIENS: Ds. Piet

Preekreeks: 500 jarige herdenking van die Hervorming/Reformasie op 31 Okt

Ons gaan in aanloop tot die 500 jarige herdenking van die Reformasie fokus op die sogenaamde "Vyf Solas". Dit is Skrifbeginsels wat in die tyd van die Reformasie, die denke van die Hervormers gerig het in hulle verset teen die dwaalleer van die Roomse Kerk van daardie tyd. Die solas is ("sola" beteken alleen):

Vandag: Sola Sacra Scriptura (Die Heilige Skrif alleen)

Solo Christo (Christus alleen) - Vlg Sondag
Sola Fide (Geloof alleen) - 1 Okt
Sola Gratia (Genade alleen) - 15 Okt
Soli Deo Gloria (Alleen die eer v God) - 29 Okt

(Onthou: Latyn was die kerktal van daardie tyd. Dit was eers Luther en later Calvyn wat hulle beywer het om die Bybel in Duits en Frans te vertaal – sodat God se Woord vir lidmate toeganklik kon word.)

Daar word 'n gesamentlike **Reformasie 500 Fees beplan vir 22 Oktober om 17:00** in die Amfiteater van die PUK. Carel Trichardt en Petru Wessels bied 'n stuk aan oor Maarten Luther se lewe, prof Fika Janse van Rensburg is die spreker en 'n massakoer gaan ook optree.

Skriflesing: 2 Timoteus 3: 1 - 4: 5

Teks: 2 Tim. 3: 14 - 17

Tema: Die Bybel is God se Woord. Luister alleen na Hom want Hy gee jou die volle en ware lewe.

In die Middeleeue en die tyd in aanloop tot die Reformasie het die Bybel onder die stof in die kerke beland! Die gewone mense - wat nie eie Bybels gehad het nie - kon nie die Bybel in Latyn lees nie en was afhanklik van die "geleerde" kerklike leiers om iets uit die Here se Woord te hoor. Ongelukkig het die kerkleiers aan die Here ongehoorsaam geword en aan die Pous (hoof van die Roomse kerk) meer gesag toegeken as aan die Here se Woord. Die Pous en ander kerklike leiers se woord was wet! Baie min mense het nog na God in sy Woord geluister! Maartin Luther en die ander Hervormers het egter besef: ons moet terugkeer na die Here se Woord - dit is die hoogste gesag oor ons lewe.

En daarom die slagspreuk: Die Skrif alleen!

Vandag raak die Woord op ander maniere onder die stof! Ons het die Bybel in Afrikaans en elke gelowige het 'n Bybel! Maar jouk ons ore om te luister na die Here? Is en bly Hy die een wat gesag oor ons lewe uitoefen deur sy Woord? Of jouk ons ore vir ander, nuwe stemme wat vir ons sê wat ons moet doen en hoe ons moet leef? Daardie stemme skree al hoe harder en poog om die Here se stem stil te maak. Na wie luister jy? Waarvoor jouk jou ore?

Lofsang met die oog op die erediens

Lied 255: 1, 2, 3

Ontmoetingsdiens

Intreelied Ps 119-1: 7; Votum; Seën; Loflied Ps 33-1: 1, 2, 6; Geloofsbelydenis: NGB artikel 7

Verootmoedigingsdiens

Wetlesing: Fokus op die Tweede gebod - HK Sondag 35; Sing Ps 19-1: 4, 6; Gebed

Woorddiens

Sing Ps 119-2: 18, 19; Skriflesing; Sing Ps 119-2: 26, 27; Woordverkondiging

Antwoorddiens

Sing Ps 1-2: 2; Liefdegawes; Gebed vir Bediening na Buite (Bybelvertaling); Sing Ps 40-2: 7, 8, 13 (Mel Ps 100); Seën; Amenlied Sb13-2.

GROEPBEDIENING

Vanaand gee ons weer aan al die groepe in die gemeente geleentheid om bymekaar te kom. Daar vergader om **17:00** 'n groep by die kerkgebou onder leiding van prof Naas Ferreira. Bring asseblief jou Bybel en Psalmboek saam.

Ds Piet bring vanmiddag besoek aan Groep 42

MEELEWING

- Ursula Wijnberg (Groep 3 - 079 494 7999) het mooi herstel en is weer op die been.
- Orrie Oosthuizen (Groep 41 - 082 466 2745) het 'n draai in die hospitaal gemaak om vlekke op sy vel te verwyder.
- Pieter Bredenkamp (Groep 23 - 082 879 7507) is opgeneem in Wilmed Hospitaal weens erge spasmas in sy rug en nek.

Ons bid dat die Here spoedig beterskap, herstel en troos sal gee.

ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID

Janet vd Walt, Hester Buys, Anna Scholtz, Isak vd Walt, Tjaart Snyman, Andy en Blossom Pretorius en Koos en Marlene Jooste.

ONDERSTEUNING VIR SIEKES

Vir ondersteuning of besoeke deur die hospitaalbesoeke-diensgroep, skakel hierdie week vir: siekes@oosdoppers.co.za of Lou en Magdaleen Venter (082 566 5879)

OUDERLINGE EN DIAKENS SE FOTOBORDE

Baie dankie aan Corrie du Plessis en almal wat gehelp het om die fotoborde van die kerkraadslede in die voorportaal van die Skuur weer op datum te bring. Gaan kyk gerus daar hoe die diakens in verskillende diensgroepe ingedeel is en wie wat doen.

11 VAKANTE OUDERLINGGROEPE

Wat ons ouderlinge betref is die volgende groepe vakant en vertrou ons dat die Here spoedig gawes sal gee om die groepe te kan bedien: 2, 4, 13, 16, 17, 22, 23, 27, 28, 39, 45. Indien jy nie seker is in watter groep jy val nie, kontak vir Adele by die kerkkantoor.

PROGRAM VAN DIE WEEK

Vandag

09:15 Gebedsgroep
09:30 Oggenddiens
Kleuterbediening
Katkisasie les 21
Tee en Koffie
Kleingroepbediening

Maandag

Geen Kersmarkvergadering

Dinsdag

06:00 Manne-ondersteuningsgroep
18:00 Katkisasie Gr 10

Woensdag

09:30 Bybelstudie
17:15 Katkisasie Gr 11
18:00 Katkisasie Gr 9
19:00 Bybelstudie

Donderdag

09:00 Amandelbloeisels Uitstappie
18:30 Ouderlingvergadering

Vrydag

14:00 - 17:00 Kinderfees: Verf en bou
voorbereidingsaksie
18:00 - 21:00 Kinderfees opleiding deur
Petra Kollege

Saterdag

8:00 - 15:00 Kinderfees opleiding deur Petra
Kollege

Volgende Sondag

Nagmaal en Nagmaal-ete

VERJAARSDAE

Baie geluk aan almal wat DV hierdie week
verjaar!

Sondag, 10 September

Jbr Zach Human

Maandag, 11 September

Sr Anja Buijs 076 410 7436
Br Willem Venter 072 336 8563

Dinsdag, 12 September

Br Johan Rousseau 076 357 8833

Woensdag, 13 September

Jbr Sakkie Buys
Sr Annette Coetsee (78) 081 209 1580
Sr Josephine de Lange (70) 082 786 4380
Sr Alta v Zyl 079 873 7922
Sr Cornè Yssel 082 923 9094

Donderdag, 14 September

Sr Christa vd Walt 073 424 3786

Vrydag, 15 September

Br Simon du Plooy 082 453 8630

Saterdag, 16 September

Sr Adele du Plessis
Sr Ria Robberts 082 444 7544
Br Dries Schutte (73) 083 379 9288
Br Sybrand vd Merwe 082 448 6977

AFKONDIGINGS

- Liefdegawe vanoggend vir Barmhartigheid (Zapper betaalmetode beskikbaar)
- Gawe by die deure vanoggend vir die Teol skool: Publikasies.
- Gawes volgende Sondag vir die Streeksinode: Sustentasië.
- Vrywillige bydrae vir voertuigsekuriteit in die bussies by die deure.
- Diensbeurte: Groep 37 en 38.

KINDERFEES: 2-6 Oktober 2017

Die momentum vir die Kinderfees begin nou opbou en ons maak gereed om die laerskoolkinders van ons gemeenskap hier te ontvang en op feestelike wyse met die Woord te bedien.



MAAR ONS HET HULP NODIG:

1. Hande

Ons het heelwat items wat gebou en gevef moet word. Ons vra al ons Gr 5 - 10 katkisante, ons studente en ander volwassenes wat lus en tyd het, om eerskomende Vrydag om 14:00 te kom help bou en veff!

2. Ons benodig ook

'n dame wat vir ons met stikwerk kan help.

3. Hulpmiddels en infrastruktuur

Ons benodig die volgende items om dekor-items en ander benodighede te maak, indien enige lidmate ons hiermee kan help sal ons dit baie waardeer:

- Tente (weermagstyl sonder kante) en kazebo's (7)

- Leë 5 L verblikke
- Papierborde
- Watte
- Swart filtpenne
- Leë toiletrolletjies
- Leë **250 ml (heel klein)** koeldrankbotteltjies (benodig 70)
- Gekleurde karton
- Bostik (Buisies)
- Inkleurpotlode, uitdraai-vetkryte
- Melkproppies

Ons het 'n **whatsapp-gebedsgroep** spesiaal vir hierdie projek op die been gebring. Stuur jou selnommer na Engela vd Walt 082 556 7806 indien jy deel van die groep wil wees. **Baie dankie** aan almal wat reeds skenkings gemaak het en dankie vir almal wat saam bid vir die fees!

UITSTAPPIE: DONDERDAG 14 SEPT AMANDELBOEISELS EN GEMEENTE

Kom geniet die oggend saam met ons by 'n Noot vir Noot-opname. Ons kom 9 uur by die kerk bymekaar en behoort teen 5 uur weer uit Johannesburg terug te vertrek na Potchefstroom. Slegs **20 plekke** is nog beskikbaar, skryf dus jou naam op die lys in die Skuur indien jy wil saam gaan! Koste beloop R50 p/persoon.

BAIE DANKIE

Baie dankie aan die Eiendomsdiensgroep vir die nuwe matie by die kerkdeure. My rolstoel hoef nou nie meer Sondae al bokspringende in te ry nie, maar kan nou rustig en gelykmatig sonder stampe en stote inrol.
Annette Coetsee

WOORD-WERKSWINKELS

Woordkafee bied teen die einde van September drie geleenthede aan om op 'n kreatiewe manier tekste uit die Woord te gebruik om ons Skepper in sy skepping te herken. Dit geskied onder leiding van die kunstenaar Rona Swarts, outeur van

"Releasing the colors from heaven", wat reeds Woord-werkswinkels op uitnodiging in Suid Afrika, Kanada, Engeland, Holland en Israel aangebied het. Tye daaglik 18:00 – 20:00 op Do. 28 Sept (God se gedagtes), Vr. 29 Sept (Hoop as lewensanker) en Sa. 30 Sept (Ewigheid van God se Woord). Maks. 12 persone per sessie. Bespreking voor 15 Sept is noodsaaklik, want alle materiaal word verskaf. Navrae by 0724861325 of 0824035130.

WAT IS HARTKLOP?

Hartklop is n dienswerk by Aardklop wat deur Gereformeerde jeug geïnisieer en gereël word met die doel om mense te dien. Om onvoorwaardelik te gee. Ons deel koffie of water uit aan alle mense wat dit nodig het en ons bedien ook die werkers tydens Aardklop. Die doel is om ander mense te leer dat om te gee is beter as om te ontvang. Wie weet, dalk ontvang jy meer daar uit...

Skryf in by: g5studente@gmail.com, R200 inskrywingsfooi of kontak GK Bult 018 297 4843.

POTCHEFSTROOM KERKLEIERS FORUM (PKF)

Ons het reeds vermeld van 'n inisiatief wat van verskillende kerke en gemeenskappe uitgegaan het om gelowiges in Potchefstroom oor alle kerkgrense en kultuurgrense heen by mekaar te bring. Daar is 'n PKF Loodskomitee gestig om die vestiging van die beweging te fasiliteer deur eerstens te poog om so veel moontlike kerke en gemeenskappe in Potchefstroom betrokke te kry en om die grondwerk te doen sodat daar later 'n formele struktuur gevestig kan word waardeur Christene in Potchefstroom hulle stem kan laat hoor en Christelike waardes in die gemeenskap kan bevorder.

Die Loodskomitee, onder leiding van ds Willem Louw (NG Miederpark), het alreeds die samewerking van die Potchefstroom

Sakekamer en ander plaaslike sakelei verkry en **beplan 'n byeenkoms op Sondag, 17 September 2017, op Olienpark om 15:00. Die geleentheid word genoem "Dis tyd, Potch"** (It's time, Potch). Gemeentes word versoek om die geleentheid bekend te stel en om voorbidders en helpers vir die geleentheid te verskaf.

Jy kan dus betrokke raak by 'n baie unieke geleentheid vir Christene in Potchefstroom deur aan te sluit as 'n voorbidder en/of jouself aan te bied as 'n werker om die "Dis tyd, Potch" geleentheid aan te bied.

Kontak ds Piet indien jy op enige manier hierby betrokke wil wees.

KENNISGEWINGBORD

- Advertensie: JD's Nasorg
- Hartklop 4-7 Oktober

SEPTEMBER NAGMAALVIERING SE DATUM VERSKUIF

Neem asseblief kennis dat September se Nagmaalviering een week vroeër verskuif is na 17 Sept en nie meer 24 Sept soos op die jaarprogram nie.

GEMEENTELIKE HERWINNINGSPROJEK

Gebruik ons herwinningshok vir: Papier, plastiek, karton, glas, blikkies en polystyrene. *Dit hoef nie gesorteer te wees nie, herwinningsitems moet wel in plastieksakke toegebind wees. **ASB GEEN huisafval nie!** Die glas/blikkies/plastiek moet asb uitgespoel wees en nie vuil ingegooi word nie.*

Maak ook voorstelle vir 'n lekker naam vir hierdie herwinningsprojek.

"Raap, Skraap en Red" = Yda Vosser

"Raap en Red", kortweg R&R = Rina Seyffert (verbuiging van tannie Yda se voorstel)

KENNISGEWING VANAF DIE DIAKONIE: LIEFDEGAWES VIR BARMHARTIGHEID

DEUR

SELFOON TOEPASSING:
ZAPPER



Hierdie QR simboolkode is gekoppel aan die Diakonie se rekening en **slegs bydraes vir Barmhartigheid** kan daarmee gemaak word - geen ander betalings aan die Diakonie of kerkraad nie.

SOSIALE MEDIA VIR ONS GEMEENTE

Webblad: www.oosdoppers.co.za

Facebook:

www.facebook.com/oosdoppers



Beeldmateriaal van preke kan hier gesien word:

<http://ow.ly/ivfZ309vsdc>. Ds Piet stuur weekliks sy preke per e-pos uit. Laat weet hulle indien jy dit wil ontvang.

Ons wil ook graag 'n vriendelike versoek rig dat u nie op die gemeente se elektroniese sms-stelsel terug antwoord nie, maar asseblief die kerkkantoor bel of 'n e-pos stuur, aangesien dit 'n rekenaarsms is.

KONTAKBESONDERHEDE: PREDIKANT, HULPDIENS & KANTOOR

Ds. Piet: 018 290 5635 / 082 779 1237

Hulpdiens: Ds. Pieter vd Walt - 082 851 3637

Prof. Herrie v Rooy 083 700 3933

Kerkkantoor: Adele 018 290 7690



SUSTERS IN DIE GELOOF

"DIE VREUGDE VAN 'n LEWENDE GELOOF"

TEESKINKGELEENTHEID



Tee word **vandag** onder die leiding van Stephanie Earle (Groep 34), Groep 35 en Annarie Oelofse (Groep 36) bedien.

Volgende week skink Marie du Plessis (Groep 37), Engela vd Walt (Groep 38) en Erika Rood (Groep 39) tee. *Baie dankie julle!*

- *Baie dankie aan die groepsusters en hulle groepe se susters en broers wat met die skink en opwas help!*
- *Ons moedig susters en broers aan om met die skink en opwas te kom help – so leer ons mekaar en ons nuwe groepe beter ken!*



SUSTERSBYDRAE

Die susters se fondse word uit elke suster se vrywillige bydrae (R150 per jaar) verkry asook die fondse wat tydens fondsinsamelings-geleenthede geïen word. Hierdie geld word gebruik om na minderbevoorregtes uit te reik en daar word jaarliks aan verskillende verdienstelike instansies, donasies gegee.

BLIKKIES-WARMHARTE

Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal gooi en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproewing gaan. ***Die blikkies se kleingeld het dit moontlik gemaak vir die susters om in 2016 vir 29 persone 'n blomme-bederf of iets anders te gee. Baie dankie vir julle getroue bydra!***



MELKFONDS

Ons gemeente is bevoorreg om elke Sondag 'n heerlike koppie melkkoffie of tee na die erediens te geniet. Ons herinner graag alle lidmate aan ons melkfondshouers by die bedieningspunte. Hierdie melkfonds word gebruik om juis in hierdie voorreg te voorsien. Graag vra ons vir enige donasies wanneer daar weer heerlik rondom 'n koppie koffie of tee gekuier word. Die donasies kan in die houers geplaas word en so verseker ons ook elke week se lekker saamkuier na die erediens.

BANKBESONDERHEDE VIR SUSTERS SE INBETALINGS

Susters, let daarop dat die Susters 'n aparte bankrekening het vir al hul bydraes, nagmaaletes se inbetalings, ens. Die rekeningbesonderhede is:

Potchefstroom-Oos Susters, Capitec Bank, Tjekrekening: 145 652 5695, Takkode: 470 010

NAGMAAL-ETE



Liewe gemeente, ons nooi julle hartlik uit na volgende Sondag se Nagmaal-ete.

Skryf asb jou naam op die lys in die Skuur sodat ons genoeg kos voorberei.

Kostes beloop R35 p/persoon. **Sluitingsdatum vir getalle is Woensdag, 13 Sept.**

Spyskaart: Skaapboud en frikadelle, baba-aartappels, gemengdegroente met kaassous, soetpatats en sjokoladepoeding.

KWARTAALPROGRAM (NB: datums het gewysig!)

ERDE KWARTAAL

DATUM	DAG	TYD	WIE	WAT
14-Sep	Donderdag	18:30	Blok B en Ina Jordaan	Ouderlingverversings
17-Sep	Sondag	12:00	Blok D en Annelie Pheiffer	Nagmaal & ete

DANKIE VIR ONS BORG VAN DIE WEEK

 <p>Kerkstraat 199 Potchefstroom Tel: 297 7247</p> <p>MOOI RIVIER APTEEK PHARMACY</p> <p>Elke dag oop tot 20:30</p>	ESTÉE LAUDER	ORLANE
	PAYOT PARIS	CLARINS PARIS
	Kanebo	REVLON
	ROC	GREEN + CROSS



OOSDOPPERTJIES

Jes. 43:1b "Ek het jou op jou naam geroep,
jy is myne."

NUUS UIT DIE BYBELKOERANT

OPROER: MAN WORD MET KLIPPE DOODGEGOOI


JERUSALEM. - Gister is die spanning op die spits gedryf toe lede van die sogenaamde "Sinagoge van die Vrygelate Slawe" met Stefanus, 'n diaken begin redeneer het. Hulle het egter in dié woordestryd lelik die onderspit gedelf. Toe het daar beskuldigings ingekom dat Stefanus teen Moses en God gelaster het.

Na 'n blitsverhoor voor die Joodse Raad is hy uit die stad gesleep en gestenig. Sy laaste woorde voordat hy gesterf het, was 'n gebed: "Here, moet hulle tog nie hierdie sonde toereken nie!"

Stefanus se tragiese dood herinner sterk aan die dood van die geestelike vader, rabbi Jesus van Nasaret. Ook hy is na ernstige wrywing met die Joodse geestelikes in 'n blitsverhoor ter dood veroordeel op 'n aanklag van godslastering. Verder het Jesus ook vir sy vervolgers gebid kort voor sy dood aan 'n kruis.

Intussen het die ander lede van die groep in vrees vir hulle lewe uit die stad gevlug, aangesien Stefanus se dood skynbaar slegs die begin van 'n suiweringsproses is.

Talle mans en vrouens is reeds in die tronk gegooi. Die leier van "Operasie Skoonmaak", die jong rabbi Saulus van Tarsus, het aanhangers van die sekte gemaan om terug te keer tot die ortodokse geloofsoortuiging, anders kan hulle geen genade verwag nie. Hierdie mense minag die oorlewering van ons voorvaders en verhef 'n gewone mens tot die Seun van God. Ons kan dit nooit duld nie," het Saulus gewaarsku.



Lees hiervan in Handeling 6:1 - 8:3